



MØTEPROTOKOLL

Utval:	Formannskapet
Møtedato:	30.01.2025
Møtetid:	09:00 - -15:30
Møtestad:	Kommunehuset, Sætremarka 2, Møterom Børilden

Frammøtte faste medlemmer

Namn	Rolle	Parti	Merknad
Morten Sognnes	ordfører	H	
Per Lerøy	varaordfører	AP	
Hege Ramsland	medlem	H	
Ann Kristin Leirvåg	medlem	AP	
Bjørn Inge Håland Dyrkolbotn	medlem	SP	

Følgjande frå administrasjonen møte:

Ketil Tjore	møtesekretær
Odd Harald Dommersnes	økonomi- og HR sjef
Trine Merete Jansen	kommunalsjef
Bjarte Rosenlund	kommunalsjef
Bjørnar Fjellhaug	Kommunedirektør
Christopher M. Straumøy	jurist
Asbjørn Nagell Toft	plansjef

Møteprotokollen vert publisert på kommunen si nettside. Den er mellombels godkjent av utvalsleiar eller ordførar i etterkant av møtet, og vert endeleg godkjent i neste møte.

Ketil Tjore

Møtesekretær

Sakliste

Saksnummer	Sakstittel	Unntak frå innsyn
PS 1/2025	Godkjenning av innkalling og sakliste	
PS 2/2025	Godkjenning av møteprotokoll	
PS 3/2025	Referatsaker	
RS 1/2025	Skatteoversikt 2024 - frå Statsforvaltaren	
RS 2/2025	Gjeldsrapport desember 2024	
OS 1/2025	Orienteringar frå kommunedirektøren - FS 30.01.2025	
PS 4/2025	Delegerte vedtak 21. november 2024 til 17. januar 2025	
PS 5/2025	Flagging på Nordliheimen	
PS 6/2025	Innspel til forvaltingsplan for Lurefjorden og Lindåsosane marine verneområde	
PS 7/2025	Avtale om vertskommunesamarbeid Landbruk	
PS 8/2025	Prioritering av midlar til kulturbygg i kommunen	
PS 9/2025	«KS Debattheft 2025. Frå forventning til verkelegheit – om mellomoppgjeret 2025 og strategisk utvikling av avtaleverket»	
PS 10/2025	«KS Debattheft 2025. Frå forventning til verkelegheit – om forventningsgapet»	
PS 11/2025	Revidering av reglement for Levekårsutvalet	
PS 12/2025	Garanti Austrheim Sokn - Refinansiering og nytt låneopptak	
PS 13/2025	Utvida kassakreditt	
PS 14/2025	Søknad om permisjon frå kommunestyre og kontrollutval - Oskar Nordgard	
PS 15/2025	Aksjonæravtale med Norsk kjernekraft	

- PS 16/2025 Disposisjon frå reguleringsplan (plan-id: 2011002)
til dekke til kaifront I Nordre Fonnesvågen.
- PS 17/2025 Vurdering av Eigarskapsmodell for nytt Basseng

PS 1/2025 Godkjenning av innkalling og sakliste

Kommunedirektøren sitt framlegg til vedtak:
Innkalling og sakliste vert godkjent.

Sak 1/2025 Godkjenning av innkalling og sakliste
Formannskapet - 30.01.2025

Handsaming:

Ordførar Morten Sognnes (H) refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 1/2025 Godkjenning av innkalling og sakliste
Formannskapet - 30.01.2025

Innkalling og sakliste vart godkjent.

PS 2/2025 Godkjenning av møteprotokoll

Kommunedirektøren sitt framlegg til vedtak:
Møteprotokollen frå 28. november vert godkjent

Sak 2/2025 Godkjenning av møteprotokoll

Formannskapet - 30.01.2025

Handsaming:

Ordfører Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 2/2025 Godkjenning av møteprotokoll

Formannskapet - 30.01.2025

Møteprotokollen frå 28. november vart godkjent

PS 3/2025 Referatsaker

Kommunedirektøren sitt framlegg til vedtak:

Formannskapet tek referatsakene til vitande.

Sak 3/2025 Referatsaker

Formannskapet - 30.01.2025

Handsaming:

Økonomi- og HR-sjef Odd Harald Dommersnes orienterte om:

- Referatsak 1 Skatteoversikt 2024 - frå Statsforvaltaren.

- Referatsak 2 Gjeldsrapport desember 2024
- Samt oversikt over skatteinngang i 2024 (vist i møtet)

Ordfører Morten Sognes (H) refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 3/2025 Referatsaker

Formannskapet - 30.01.2025

Formannskapet tok referatsakene til vitande.

RS 1/2025 Skatteoversikt 2024 - frå Statsforvaltaren

RS 2/2025 Gjeldsrapport desember 2024

OS 1/2025 Orienteringar frå kommunedirektøren - FS 30.01.2025

Sak 1/2025 Orienteringar frå kommunedirektøren - FS 30.01.2025

Formannskapet - 30.01.2025

Handsaming:

I starten av møtet var det orientering om planar for senterområdet Mastrevik Torg, ved Roald Valestrand frå Coop Hordaland, som er eigar av Torghuset AS (senterlokalet), og Magnus Bergesen frå verksemda Boligsenteret (www.boligsenteret.no)

Roald Valestrand:

- Extra-butikken er det Norsk Butikkdrift som driv.
- Har vore arbeid tidlegare med nybygg, men ikkje funne løysingar.

- No har kommunen lyst ut for avtale med tildelingsleilegheiter, og ein ser at det kan vera ei moglegheit for ei oppgradering av senteret.

Magnus Bergesen, Boligsenteret:

- Har hatt samarbeid med Coop på Frekhaug, med nybygg med butikk i 1. etasje, næringslokale i 2. etasje og leilegheiter for utleige i 3. og 4. etasje.
- Der har Alver kommune rett til å tilvisa i inntil 40 prosent av leilegheitene, men ikkje plikt. Det gjev finansiering gjennom Husbanken på 50 år. Er ikkje mogleg å få økonomi i utleige av nye leilegheiter utan dette.
- Alver kommune leiger lokale i bygget for heimetenestene. Dei ser også at det gir betre utnytting av tida om brukarane bur meir samla, det er ikkje så langt å kjøra for heimetenestene.
- På Mastrevik kan det vera mogleg med 20-25 leilegheiter.
- Mogleg med omsorgsbustader i same prosjektet.

Ann Kristin Leirvåg (Ap) spurte om planar for eksisterande senter? Magnus Bergesen svara at ein ikkje har sett så mykje på det. Ser at det er ein stor tomt med mykje ledig areal.

Per Lerøy (Ap) sa at han er oppteken av at det vert eit levande senter med plass for dei som driv der i dag. Trur det er eit godt utgangspunkt for vidare drift. Må ha eit samarbeid mellom næringsdrivande, utbyggjar og kommunen.

Magnus Bergesen:

- Ser frå Frekhaug og andre stader at det må vera butikkprosjekt som kan stå seg over tid. Må vera økonomi som står seg over tid, med tanke på leigeprisar og storleik på lokale med meir. Ser at det ikkje er mogleg å bygga mellombelse lokale i byggetida. Her kan ein bygga nytt parallelt med drift i eksisterande lokale.

Morten Sognnes (H) sa at det er viktig med samarbeid med dei næringsdrivande, få til noko i samarbeid.

Per Lerøy (Ap) sa at han oppfordra til at ein set ombygging av kommunehuset på vent, her svara kommunedirektør Bjørnar Fjellhaug at det er sett på vent, det er store kostnader med å få dagens bygg tenleg. Ser ut for at dette kan vera ei mykje betre løysing for kommunen enn å gjera noko med dagens kommunehus. Heldt tilbake på ombygging, og ser på dette, men ber om at det er tydeleg politisk støtte til det.

Morten Sognnes (H) og kommunedirektør Fjellhaug viste til at Tysvær kommune har selt kommunehuset sitt, og går for leigeavtalar. Dette er del av vurderingane som kommunen gjer.

Økonomisjef Odd Harald Dommersnes sa at det er viktig at politikarane er tydelege. Ombygging av kommunehuset er vedteke, men andre løysingar kan gje betre økonomi, men då må dette bygget bli avhenda.

Hege Ramsland (H) spurte om dagens leigetakarar og dagens senterbygg. Her svara Roald Valestrand at ein ser frå Frekhaug at nybygg skaper positivitet. For å finansiera oppgraderinga av dagens lokale må det vera økonomi til det.

Per Lerøy (Ap) sa at fleire partar må setja seg saman og gje eit løft også for dagens butikkar og gje dei moglegheiter vidare. For kommunen sin del må senteret vera ein betre plass for biblioteket, og kva med tannklinikk? Tok til orde for ei kjernegruppe med eigar, kommunen, utbygger og leigetakarar, og spurte om dette vil påverka prosjektet med helse- og omsorgssenter.

Magnus Bergesen: Det må vera økonomi i butikkdrifta, må vera berekraftig. Skal legga til rette for areal som passar dei ulike butikkane, med ei leige som dei klarer å betala.

Morten Sognnes (H) spurte om reguleringsstatus, her svara plansjef Asbjørn Toft at her kan ein gjera ein planendringsprosess som er i mål før utbygger sender inn byggeteikningar til kommunen. Treng opplysningar om utnytting og høgde.

Kommunedirektør Fjellhaug sa at ein skal sjå på utnytting av kommunale bygg. Ønskjer å avhenda eksisterande bygg, kan kanskje bruka bygg til BUA-etablering? Det kjem sak om utnytting av kommunale bygg, som bør realiserast rimeleg snart.

Magnus Bergesen:

- Heile konseptet med Husbanken-prosjektet er ein modell med leilegheiter og næringsareal. Om 2. etasje forsvinn så kan ein berre ha ein etasje med leilegheiter og ikkje to som teikna opp.

Per Lerøy (Ap) viste til at dette er noko Husbanken ønskjer. Ba om at det vert gjort vedtak her om å gå inn i prosjektet frå kommunen, og ta det i kommunestyret om to veker. Meiner kommunen må inn som ein stor leigetakar. Legekontor, helsestasjon? Må setja oss saman og snakka godt saman slik at ingen kjenner seg forbigått. Manglar også bustader i Austrheim.

Morten Sognnes støtta dette, kommunedirektør Fjellhaug sa at det er mogleg å få til.

Bjørn Inge Dyrkolbotn (Sp) gav støtte til Lerøy. Må vera ei lita gruppe som skal jobba vidare med dette. Gjerne også ha dialog med Markhus om kva som skjer med deira prosjekt.

Per Lerøy (Ap) ba om at kommunedirektøren kjem til kommunestyret med ei sak om dette.

Ketil Tjore (Innbyggarservice) orienterte om status for skjema og nettside.

Kommunalsjef Trine M. Jansen orienterte om barnehagesatsar for born i kommunen, der born frå Alver no får sats lik som sats i Alver, og ikkje sats som i Austrheim som er litt lågare. Alver og Austrheim er i kvar si sone for barnehagesatsar.

Økonomisjef Odd Harald Dommersnes orienterte om økonomistatus. Ser at med dei inntektene ein har no så er det slik at budsjetttrammene må haldast. Usikker på skatteinntektene, veit meir nå ein har tala for 1. tertial 2025. Viste tal frå Framsikt.

Per Lerøy (Ap) spurte om bakgrunnen for auken i sosiale kostnader er utfordringar med å få flyktningar i arbeid.

Kommunalsjef Anne Hildegunn Færøy svara at det er ulike tiltak i gang for å få fleire flyktningar i aktivitet, har mellom anna ein strategisk samarbeidsavtale med NAV. Når det gjeld flyktningar så har Austrheim vore i ei særstilling der fleire har komme i arbeid, men har ikkje heilt nye tal på dette. Det som er spesielt for Austrheim er at det er høgare leigepreisar her, det påverkar sosiale kostnader.

Plansjef Asbjørn Toft orienterte om prosjektet med trafikk sikring på Hoplandssjøen, det kjem truleg meir midlar frå fylket til trinn to i 2025 til, ytterlegare 900.000 kroner.

Kommunedirektør Bjørnar Fjellhaug orienterte om:

- Kjem innkalling til møte i arbeidsgruppe for næringsfond i neste veke, reknar med at det kjem sak til formannskapet i neste møte.
- Kommunedirektør og ordførar var 14. og 15. januar i Brüssel og fekk lynkurs i EU og EØS.
- Møte i nettverk for kjernekraftkommunar sist veke i Oslo, i alt 65 norske kommunar som har meldt seg inn der.
- Samsfunnsplanen snart ferdig frå Asplan Viak, legg opp til at den vert lagt ut på høyring av kommunestyret, og deretter på full runde i alle medverknadsråd og utval før endeleg vedtak.
- Landbrukssjefen i Alver kjem til kommunestyret 13/2 for å orientera om avtale med Austrheim kommune.

Plansjef Asbjørn Toft orienterte om:

- Kjem ei sak om ein månad eller to om oppgradering av Lerøy kai, som no er stengt. Det er ei ordning der Kystverket gjev inntil 50 prosent av kostnaden dersom kommunen tar den andre halvdel av kostnaden. Kaien er viktig for yrkesfiskarar i kommunen, for bygdefolket og ålmenta. Asbjørn Toft sa vidare at det må påreknast investeringar på denne typen infrastruktur, viktig for beredskap, komma inn med pasientar eller ut med lenser, mellom anna. Morten Sognnes (H) sa her at fylket som eigar må ta sitt ansvar her for opprustinga. Per Lerøy (Ap) viste til at det er yngre fiskarar som satsar på yrket, og som er avhengige av at denne kaien er i funksjon.

Bjørnar Fjellhaug viste til spørsmål om motorcrossbana:

- Bruken på den kommunale delen av bana er innanfor reguleringa, men saknar søknader på bygningar.
- For den private delen av tomta så er det ikkje i tråd med gjeldande reguleringsplan, og utan godkjenning, trengs det reguleringsplan eller det må søkast dispensasjon frå gjeldande arealføremål.

Kommunedirektør Bjørnar Fjellhaug viste til at det var spørsmål om kommunal tomt på Mongstad og den omkringliggende sikringssona.

- Fjellhaug sa at DNB Markets er henta inn for å selja næringstomta på Mongstad, dei har oppdraget fram til februar 2025.
- Det er i reguleringsplanen ikkje opna for detaljhandel på næringstomta som no er for sal, men annan næring/industri er OK.
- Morten Sognnes (H) og Per Lerøy (Ap) ba om at det vart laga ei politisk sak for å redusera sikringssona rundt anlegget, for å leggja til rette for detaljhandel tettare på anlegget enn det som er tillate i dag.
- Det er sendt innspel til administrasjonen med denne ordlyden: «Kommunalt næringsareal i Mongstad-krysset. Her må tryggleikssona justerast slik at den er i samsvar med den sona Equinor Mongstad har fått godkjent for sine anlegg hjå statlege myndigheiter. Me ber om at kommunedirektøren så snart som mogleg legg fram ei sak til politisk handsaming der tryggleikssona i området vert justert i tråd med overordna plan for området. Det er også ønskje om at det vert opna opp for detaljhandel i Mongstadkrysset.»

Kommunedirektør Bjørnar Fjellhaug orienterte om status for Kystlandsbyen, etter at dagens eigar har økonomiske problem. Noko av infrastrukturen i området skal finansierast av dette selskapet. Administrasjonen følgjer utviklinga. Ei mellombels løysing for kloakk-kapasiteten i området er å auka dagens kapasitet med ny pumpe i dagens pumpestasjon. Ikkje vurdert som aktuelt for kommunen eller det kommunalt eige eigedomsselskapet AKE å kjøpa noko av eit eventuelt konkursbu.

Odd Harald Dommersnes orienterte om status for hjartestartarar, jamfør vedlegg som låg ved innkallinga.

Kommunalsjef Bjarte Rosenlund orienterte om VA-amnesti naust og bygger. Jobbar vidare med dette.

Kommunalsjef Bjarte Rosenlund orienterte beredskapsarbeidet. Var tilsyn på dette feltet hausten 2024. Jobbar vidare med dette.

Bjørn Inge Dyrkolbotn (Sp) spurte om status for viltfagråd i kommunen. Asbjørn Toft svara at dette har lagt til landbrukskontoret, og oppmoda til at desse oppgåvene vart lagt under landbruksfagrådet. Noterer seg at det kan takast opp med landbrukssjefen, i samband med orientering i kommunestyret 13. februar.

Ordførar Morten Sognnes (H) refererte framlegget til vedtak.

Samrøystes for kommunedirektørens framlegg til vedtak, med to tillegg: Bestilla sak til kommunestyret om sikringssone på Mongstad, og om eventuell kommunal deltaking i senterprosjektet som det blei orientert om i møtet.

Vedtak i sak 1/2025 Orienteringar frå kommunedirektøren - FS 30.01.2025

Formannskapet - 30.01.2025

Formannskapet tok orienteringane til vitande, med to tillegg: Bestilla sak til kommunestyret om sikringssone på Mongstad, og om eventuell kommunal deltaking i senterprosjektet som det blei orientert om i møtet.

PS 4/2025 Delegerte vedtak 21. november 2024 til 17. januar 2025

Kommunedirektøren sitt framlegg til vedtak:

Formannskapet tar dei delegerte vedtaka til vitande.

Sak 4/2025 Delegerte vedtak 21. november 2024 til 17. januar 2025

Formannskapet - 30.01.2025

Handsaming:

Plansjef Asbjørn N. Toft orienterte om dei delegerte sakene.

Ordførar Morten Sognnes (H) refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 4/2025 Delegerte vedtak 21. november 2024 til 17. januar 2025

Formannskapet - 30.01.2025

Formannskapet tar dei delegerte vedtaka til vitande.

PS 5/2025 Flagging på Nordliheimen

Kommunedirektøren sitt framlegg til vedtak:

Kommunedirektøren tilrår at ein held fast ved at tradisjon med å flagge på halv stang ved dødsfall på Nordliheimen er avslutta

Sak 4/2025 Flagging på Nordliheimen

Levekårsutvalet - 23.01.2025

Handsaming:

Kommunalsjef Anne Hildegunn Færøy orienterte om bakgrunn for saka.

Levekårsutvalet drøfta saka.

Per Lerøy (Ap) la fram fellesframlegg frå Ap, H og INP: Austrheim kommune tek opp att tradisjonen ein har hatt sidan opninga av Nordliheimen i 1965 med flagging på halv stang ved dødsfall på Nordliheimen dersom dei pårørande ønskjer det.

Handsaming i Levekårsutvalet.:

Leiar Terje Håland refererte kommunedirektøren sitt framlegg til vedtak og framlegget lagt fram i møte:

Kommunedirektøren sitt framlegg fekk to røyster (Bjarte Næss (Sp) og Linda Brandtun Uavh.), framlegget i møte fekk fire røyster (Terje Håland Ap, Helge Dyrkolbotn Uavh. , Per Lerøy Ap og Lisbeth Oen INP).

Framlegget frå AP, H og INP vart vedteke.

Vedtak i sak 4/2025 Flagging på Nordliheimen

Levekårsutvalet - 23.01.2025

Levekårsutvalet si tilråding:

Austrheim kommune tek opp att tradisjonen ein har hatt sidan opninga av Nordliheimen i 1965 med flagging på halv stang ved dødsfall på Nordliheimen dersom dei pårørande ønskjer det.

Sak 5/2025 Flagging på Nordliheimen

Formannskapet - 30.01.2025

Handsaming:

Anne Hildegunn Færøy orienterte om saka, jamfør saksutgreiinga.

Per Lerøy (Ap) viste til handsaminga i Levekårsutvalet, der fleirtalsvedtaket er: Austrheim kommune tek opp att tradisjonen ein har hatt sidan opninga av Nordliheimen i 1965 med flagging på halv stang ved dødsfall på Nordliheimen dersom dei pårørande ønskjer det.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for Levekårsutvalet sitt framlegg til vedtak

Vedtak i sak 5/2025 Flagging på Nordliheimen

Formannskapet - 30.01.2025

Formannskapet si tilråding til kommunestyret:

Austrheim kommune tek opp att tradisjonen ein har hatt sidan opninga av Nordliheimen i 1965 med flagging på halv stang ved dødsfall på Nordliheimen, dersom dei pårørande ønskjer det.

PS 6/2025 Innspel til forvaltingsplan for Lurefjorden og Lindåsosane marine verneområde

Kommunedirektøren sitt framlegg til vedtak:

Austrheim kommune har viktige innspel til forvaltingsplanen, desse står i saksutgreiinga under Vurdering. Austrheim kommune ber om at desse innspela vert teke med i arbeidet med forvaltingsplanen vidare, og at dei større viktige tiltaka som er nemnd vert prioritert i Statsbudsjettet framover. Med desse tiltaka inn i forvaltningsplanen vil me sikra ei heilskapleg forvaltning av dette marine verneområdet.

Sak 6/2025 Innspel til forvaltingsplan for Lurefjorden og Lindåsosane marine
verneområde
Formannskapet - 30.01.2025

Handsaming:

Plansjef Asbjørn N. Toft orienterte om saka, jamfør saksframlegget.

Bjørn Inge Håland Dyrkolbotn (Sp) spurte om det vert restriksjonar på flytebrygger, her svara Toft at det vert ikkje omfatta.

Per Lerøy (Ap) spurte om planen vil påverka inntak og utslepp av vatn til bassenget, som til dømes kjølevatn til og frå eit kjernekraftverk på Mongstad. Asbjørn Toft svara at det nok heller ikkje dag vert løyve til å sleppa ut varmt vatn i denne marine vernesona/Lurefjorden, det må gå til Fensfjorden.

Morten Sognnes (H) og Per Lerøy (Ap) oppmoda administrasjonen til å sjekka ut kva restriksjonar som denne planen kan leggja på eit mogleg kjernekraftverk eller andre aktivitetar som sognar til Lurefjorden

Ordførar Morten Sognnes (H) refererte framlegget til vedtak.

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 6/2025 Innspel til forvaltingsplan for Lurefjorden og Lindåsosane marine
verneområde
Formannskapet - 30.01.2025

Tilråding frå formannskapet: Austrheim kommune har viktige innspel til forvaltingsplanen, desse står i saksutgreiinga under Vurdering. Austrheim kommune ber om at desse innspela vert teke med i arbeidet med forvaltingsplanen vidare, og at dei større viktige tiltaka som er nemnd vert prioritert i Statsbudsjettet framover. Med desse tiltaka inn i forvaltningsplanen vil me sikra ei heilskapleg forvaltning av dette marine verneområdet.

PS 7/2025 Avtale om vertskommunesamarbeid Landbruk

Kommunedirektøren sitt framlegg til vedtak:

Kommunestyret vedtek å inngå ny avtale om vertskommunesamarbeid med Alver kommune for drift av felles landbrukskontor for Alver, Austrheim og Modalen, i tråd med framlagt forslag.

Sak 7/2025 Avtale om vertskommunesamarbeid Landbruk

Formannskapet - 30.01.2025

Handsaming:

Kommunalsjef Bjarte Rosenlund orienterte om saka, jamfør saksframlegget.

- Landbrukssjef Laila Bjørge kjem til kommunestyret 13. februar for å orientera om arbeidet deira.

Bjørn Inge Håland Dyrkolbotn (Sp) spurte om denne saka burde vore handsama av Landbruksfagrådet.

Per Lerøy spurte om det var vanskeleg å ta denne saka til Landbruksfagrådet før eit eventuelt vedtak.

Plansjef Asbjørn Toft sa at det nok er greit å få denne avtalen vedteke no.

Per Lerøy (Ap) ba om at innan budsjettmøtet i desember 2025 så skal denne avtalen evaluerast, med uttale frå Landbruksfagrådet, før handsaming i budsjettmøtet.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 7/2025 Avtale om vertskommunesamarbeid Landbruk

Formannskapet - 30.01.2025

Tilråding frå formannskapet: Kommunestyret vedtek å inngå ny avtale om vertskommunesamarbeid med Alver kommune for drift av felles landbrukskontor for Alver, Austrheim og Modalen, i tråd med framlagt forslag.

PS 8/2025 Prioritering av midlar til kulturbygg i kommunen

Kommunedirektøren sitt framlegg til vedtak:

- 1.Litlås sanitetshus og Austrheim samfunnshus får kvart eit fast tilskot på kr 25 000,-.
- 2.Kommunen utarbeider retningslinjer for søknads- og tildelingsprosess for dei resterande kr 50 000,-.
- 3.Midlane skal fordelast frå og med 2025, i samsvar med dei nye retningslinjene.

Sak 8/2025 Prioritering av midlar til kulturbygg i kommunen

Formannskapet - 30.01.2025

Handsaming:

I denne saka var Morten Sognnes (H) og Hege Ramsland (H) ugilde.

Varaordførar Per Lerøy (Ap) gjekk inn som ordførar.

Kommunedirektør Bjørnar Fjellhaug orienterte om saka, jamfør saksutgreiinga.

Bjørn Inge Håland Dyrkolbotn (Sp) spurte kring dette at to mottakarar får støtte utan å søka.

Ann Kristin Leirvåg (Ap) sa at dette er støtte til dei to største samlingshusa i kommunen, samfunnshuset som er størst og Litlås sanitetshus som er størst på Kaland-sida.

Per Lerøy (Ap) viste til at det her handlar om fråfall av inntekter for bruk som har opphørt etter at kommunen har flytta eigne møte til kommunehuset.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes (alle tre) for kommunedirektøren sitt framlegg til vedtak

Vedtak i sak 8/2025 Prioritering av midlar til kulturbygg i kommunen
Formannskapet - 30.01.2025

Tilråding til kommunestyret:

- 1.Litlås sanitetshus og Austrheim samfunnshus får kvart eit fast tilskot på kr 25 000,-.
- 2.Kommunen utarbeider retningslinjer for søknads- og tildelingsprosess for dei resterande kr 50 000,-.
- 3.Midlane skal fordelast frå og med 2025, i samsvar med dei nye retningslinjene.

PS 9/2025 «KS Debattheft 2025. Frå forventning til verkelegheit – om mellomoppgjeret 2025 og strategisk utvikling av avtaleverket»

Kommunedirektøren sitt framlegg til vedtak:
Saka er drøfta og følgande innspel vert gjeven:

Mellomoppgjeret 2025

5. Kva innspel har din kommune/fylkeskommune til KS i forkant av mellomoppgjeret 2025, til dømes knytt til: økonomisk ramme, prioriteringar, sentrale eller lokale lønstillegg og liknande?

Svar:

KS bør arbeide for ei økonomisk ramme som sikrar balanse mellom god ressursforvaltning og konkurransedyktig løn for rekruttering og stabilisering av arbeidskraft. Dette er spesielt viktig for stillingar med rekrutteringsutfordringar som helse, omsorg, tekniske fag og utdanning.

Prioriteringar:

- Prioritere stillingar med stor samfunnsverdi der rekruttering er utfordrande.
- Styrke midlar til kompetanseutvikling og etterutdanning for tilsette.

Sentrale eller lokale lønstillegg:

- I størst mogleg grad bør det vere sentrale lønstillegg.
- Lokale lønstillegg kan sikre at kommunen kan tilpasse seg spesifikke rekrutteringsbehov i ulike tenesteområde, men då må det setjast av ei reell ramme til lokale tingingar. Ei utfordring med lokale lønstillegg kan vere at det skapar konkurranse mellom kommunar og det vert ei overbyding på ulike stillingar som elles er like.

KS bør samtidig sikre ei berekraftig utvikling av sentrale tillegg som ikkje overstig budsjettmessige rammer.

Strategisk utvikling av avtaleverket

6. Dagens garantilønssystem gir stillingsgrupper med same kompetansekrav lik sentral garantilønn, uavhengig av tenesteområde. Ivaretek dette garantilønssystemet kommunen sine behov, og er det eit ønske om at det vidareførast?

Svar:

Garantilønssystemet bidrar til likestilling på tvers av stillingsgrupper, men kan vere rigid i situasjonar med sterk konkurranse om arbeidskraft. Kommunen kan ha behov for meir fleksibilitet for å gje høgare løn til kritiske stillingar der konkurransen med privat sektor er stor.

Er det eit ønske om vidareføring?

Garantilønssystemet bør vidareførast, men det er naudsynt med ein moglegheit for lokale justeringar for å betre møte behov i ulike sektorar og tenesteområde.

7. Kva bør KS prioritere i utviklinga av avtaleverket for å møte framtidens arbeidskraftutfordringar og sikre forsvarlege tenester? Det kan til dømes handle om omstilling, ulike arbeidstidsordningar, oppgåvedeling og bruk av kompetanse, tiltak for å redusere fråvær og andre tiltak for å bruke arbeidskraftressursane best mogeleg, eller liknande.

Svar:

KS bør prioritere desse punkta for å handtere framtida sine arbeidskraftutfordringar:

1. Arbeidstidsordningar:

- Fleksible arbeidstidsordningar, som turnusarbeid og heilkontinuerleg drift, må vidareutviklast for å sikre betre tilpassing til ulike behov hos tilsette.
- Sikre betre ordningar for deltid, samstundes som ein reduserer ufrivillig deltid.

2. Oppgåvedeling og kompetansebruk:

- Effektivisere arbeidsprosessar ved å delegere oppgåver som ikkje krev spesialisert utdanning til andre yrkesgrupper.
- Fremje bruken av tverrfaglege team for meir effektive og fleksible løysingar.

3. Tiltak for å redusere fråvær:

- Forbetre arbeidsmiljøet gjennom systematisk oppfølging og trivselstiltak.
- Innføre tilpassa arbeid for tilsette med redusert arbeidsevne for å hindre langtidsfråvær.

4. Kompetanseutvikling:

- Leggje til rette for etter- og vidareutdanning for tilsette i samarbeid med KS og utdanningsinstitusjonar.
- Styrke stipendordningar som kan bidra til auka kompetanse og rekruttering.

Sak 9/2025 «KS Debatthefte 2025. Frå forventning til verkelegheit – om mellomoppgjeret 2025 og strategisk utvikling av avtaleverket»
Formannskapet - 30.01.2025

Handsaming:

Kommunedirektør Bjørnar Fjellhaug orienterte om saka, jamfør saksgrunnlaget.

Det blir orientert vidare om saka under handsaminga i kommunestyret.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 9/2025 «KS Debatthefte 2025. Frå forventning til verkelegheit – om mellomoppgjeret 2025 og strategisk utvikling av avtaleverket»
Formannskapet - 30.01.2025

Tilråding til kommunestyret:

Saka er drøfta og følgande innspel vert gjeven:

Mellomoppgjeret 2025

5. Kva innspel har din kommune/fylkeskommune til KS i forkant av mellomoppgjeret 2025, til dømes knytt til: økonomisk ramme, prioriteringar, sentrale eller lokale lønstillegg og liknande?

Svar:

KS bør arbeide for ei økonomisk ramme som sikrar balanse mellom god ressursforvaltning og konkurransedyktig løn for rekruttering og stabilisering av arbeidskraft. Dette er spesielt viktig for stillingar med rekrutteringsutfordringar som helse, omsorg, tekniske fag og utdanning.

Prioriteringar:

- Prioritere stillingar med stor samfunnsverdi der rekruttering er utfordrande.
- Styrke midlar til kompetanseutvikling og etterutdanning for tilsette.

Sentrale eller lokale lønstillegg:

- I størst mogleg grad bør det vere sentrale lønstillegg.
- Lokale lønstillegg kan sikre at kommunen kan tilpasse seg spesifikke rekrutteringsbehov i ulike tenesteområde, men då må det setjast av ei reell ramme til lokale tingingar. Ei utfordring med lokale lønstillegg kan vere at det skapar konkurranse mellom kommunar og det vert ei overbyding på ulike stillingar som elles er like.

KS bør samtidig sikre ei berekraftig utvikling av sentrale tillegg som ikkje overstig budsjettmessige rammer.

Strategisk utvikling av avtaleverket

6. Dagens garantilønssystem gir stillingsgrupper med same kompetansekrav lik sentral garantilønn, uavhengig av tenesteområde. Ivaretek dette garantilønssystemet kommunen sine behov, og er det eit ønske om at det vidareførast?

Svar:

Garantilønssystemet bidrar til likestilling på tvers av stillingsgrupper, men kan vere rigid i situasjonar med sterk konkurranse om arbeidskraft. Kommunen kan ha behov for meir fleksibilitet for å gje høgare løn til kritiske stillingar der konkurransen med privat sektor er stor.

Er det eit ønskje om vidareføring?

Garantilønssystemet bør vidareførast, men det er naudsynt med ein moglegheit for lokale justeringar for å betre møte behov i ulike sektorar og tenesteområde.

7. Kva bør KS prioritere i utviklinga av avtaleverket for å møte framtidens arbeidskraftutfordringar og sikre forsvarlege tenester? Det kan til dømes handle om omstilling, ulike arbeidstidsordningar, oppgåvedeling og bruk av kompetanse, tiltak for å redusere fråvær og andre tiltak for å bruke arbeidskraftressursane best mogeleg, eller liknande.

Svar:

KS bør prioritere desse punkta for å handtere framtida sine arbeidskraftutfordringar:

1. Arbeidstidsordningar:

- Fleksible arbeidstidsordningar, som turnusarbeid og heilkontinuerleg drift, må vidareutviklast for å sikre betre tilpassing til ulike behov hos tilsette.
- Sikre betre ordningar for deltid, samstundes som ein reduserer ufrivillig deltid.

2. Oppgåvedeling og kompetansebruk:

- Effektivisere arbeidsprosessar ved å delegere oppgåver som ikkje krev spesialisert utdanning til andre yrkesgrupper.
- Fremje bruken av tverrfaglege team for meir effektive og fleksible løysingar.

3. Tiltak for å redusere fråvær:

- Forbetre arbeidsmiljøet gjennom systematisk oppfølging og trivselstiltak.
- Innføre tilpassa arbeid for tilsette med redusert arbeidsevne for å hindre langtidsfråvær.

4. Kompetanseutvikling:

- Leggje til rette for etter- og vidareutdanning for tilsette i samarbeid med KS og utdanningsinstitusjonar.
- Styrke stipendordningar som kan bidra til auka kompetanse og rekruttering.

PS 10/2025 «KS Debatthefte 2025. Frå forventning til verkelegheit – om forventningsgapet»

Kommunedirektøren sitt framlegg til vedtak:

Saka vert lagt fram til politisk drøfting og kommunedirektøren vil samanfatta høyringssvar etter dei politiske signala.

Sak 10/2025 «KS Debatthefte 2025. Frå forventning til verkelegheit – om forventningsgapet»

Formannskapet - 30.01.2025

Handsaming:

Kommunedirektør Bjørnar Fjellhaug orienterte om saka, jamfør saksgrunnlaget. Det blir orientert vidare om saka under handsaminga i kommunestyret.

Per Lerøy (Ap) sa at dette er ei type sak som burde vore grundig diskutert politisk, kanskje det burde vore eit temamøte i kommunestyret?

Bjørn Inge Håland Dyrkolbotn (Sp) støtta at dette er ei sak som bør brukast tid på.

Bjørnar Fjellhaug sa at det er notert at det bør setjast av tid i kommunestyret 13. februar for å handsama dette, ein legg opp til færre andre saker for å få tid nok.

Bjørn Inge Haaland Dyrkolbotn (SP) viste til 2024-handsaminga, der kommunedirektøren hadde enkelte konkrete framlegg til vedtak.

Fjellhaug svara at han vil komma med framlegg til kommunestyret, og det vert sett av tid til drøftingar. Kommunedirektøren fekk oversendt innspel frå Utdanningsforbundet for å ta med seg dette i arbeidet.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 10/2025 «KS Debattheft 2025. Frå forventning til verkelegheit – om forventningsgapet»

Formannskapet - 30.01.2025

Tilråding til kommunestyret:

Saka vert lagt fram til politisk drøfting og kommunedirektøren vil samanfatta høyringssvar etter dei politiske signala.

PS 11/2025 Revidering av reglement for Levekårsutvalet

Kommunedirektøren sitt framlegg til vedtak:

1. Kommunestyret vedtek framlegg til reviderte retningslinjer for Levekårsutvalet, slik det er framstilt i saksframlegget, med verknad frå vedtaksdato.

Sak 11/2025 Revidering av reglement for Levekårsutvalet

Formannskapet - 30.01.2025

Handsaming:

Kommunedirektør Bjørnar Fjellhaug orienterte om saka, jamfør saksgrunnlaget.

Saka var diskutert i sist møte i Levekårsutvalet, den 23. januar 2025, og kommunedirektøren vil gjera rettingar og endringar som er i tråd med dette.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 11/2025 Revidering av reglement for Levekårsutvalet
Formannskapet - 30.01.2025

Tilråding til kommunestyret:

Kommunestyret vedtek framlegg til reviderte retningslinjer for Levekårsutvalet, slik det er framstilt i saksframlegget, med verknad frå vedtaksdato.

PS 12/2025 Garanti Austrheim Sokn - Refinansiering og nytt låneopptak

Kommunedirektøren sitt framlegg til vedtak:

Sak 12/2025 Garanti Austrheim Sokn - Refinansiering og nytt låneopptak
Formannskapet - 30.01.2025

Handsaming:

Økonomisjef Odd Harald Dommersnes orienterte om saka, jamfør saksgrunnlaget. Dette er ei sak som er handsama tidlegare, men ordlyden var ikkje nøyaktig nok i

vedtaksteksten frå Austrheim sokn. No er dette retta, og formannskap og kommunestyre må gjera vedtak på nytt.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 12/2025 Garanti Austrheim Sokn - Refinansiering og nytt låneopptak
Formannskapet - 30.01.2025

Formannskapet si tilråding til kommunestyret:

1. Austrheim Kommune innvilgar Austrheim Sokn ein sjølvskuldnargaranti på kroner 3 500 000 - som tryggleik for lån.
2. Garantien gjeld for lånet sin hovudstol maks kroner 3 500 000 ,- med tillegg av 10 % av til ein kvar tid gjeldande hovudstol til dekning av eventuelle på løypte renter og omkostningar.
3. Kommunen sitt maksimale garantiansvar kan ikkje overstiga kr 3 500 000 + 10 %, totalt kr 3 850 000,-.
4. Garantien er gyldig frå utbetalingsdato og i 38 år.
5. Garantiansvaret reduserast i takt med nedbetalinga av lånet og opphøyre etter 38 år med tillegg på 2 år, jf.. garantiforskrifta sin paragraf 3.
6. Garantien må godkjennast av Statsforvaltaren før den er endeleg, jf.. kommunelova § 14. (Statsforvaltaren si godkjenning krevst berre for garantiar som overstig kommunen si beløpsgrense for godkjenning av garantiar).

PS 13/2025 Utvida kassakreditt

Kommunedirektøren sitt framlegg til vedtak:

1. Kommunestyre vedtek at ein aukar ramma på kassekreditt frå 15 til 20 millionar kroner.

Sak 13/2025 Utvida kassakreditt

Formannskapet - 30.01.2025

Handsaming:

Økonomisjef Odd Harald Dommersnes orienterte om saka, jamfør saksgrunnlaget.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 13/2025 Utvida kassakreditt

Formannskapet - 30.01.2025

Formannskapet si tilråding til kommunestyret:

1. Kommunestyre vedtek at ein aukar ramma på kassekreditt frå 15 til 20 millionar kroner.

PS 14/2025 Søknad om permisjon frå kommunestyre og kontrollutval
- Oskar Nordgard

Kommunedirektøren sitt framlegg til vedtak:

Formannskapet rår kommunestyret til å gje Oskar Nordgard (H) permisjon frå vervet som kommunestyrerepresentant, i eitt år fram til og med 31. januar 2026. Nordgard har ikkje høve til å tre inn igjen i vervet før fritaksperioden er over, men er tilbake i kommunestyret frå 1. februar 2027.

Formannskapet rår kommunestyret til å velja nytt kontrollutval, med denne samansettinga:

Fast representant Vararepresentant som er personleg vara
Jan Erik Espelid (SL) - leiar Tore Svendsen (SL)

Britt M. Skålevik Lerøy (Ap) - nestleiar Kristian Semmingsen Lerøy (Ap)
Therese Vik (INP) Kari Anne Fadnes (INP)
Joakim Haglund (Sp) Inger Turid Øksnes (Sp)
(Høgre kjem med kandidat før FS 30/1) (H) Stig Anders Totland (H)

Sak 14/2025 Søknad om permisjon frå kommunestyre og kontrollutval - Oskar Nordgard
Formannskapet - 30.01.2025

Handsaming:

Sakshandsamar Ketil Tjore orienterte om saka, jamfør saksgrunnlaget.

Høgre kjem med namn til kontrollutvalet innan møtet i kommunestyret 13. februar.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 14/2025 Søknad om permisjon frå kommunestyre og kontrollutval - Oskar Nordgard
Formannskapet - 30.01.2025

Formannskapet si tilråding til kommunestyret:

Kommunestyret gjev Oskar Nordgard (H) permisjon frå vervet som kommunestyrerepresentant, i eitt år fram til og med 31. januar 2026. Nordgard har ikkje høve til å tre inn igjen i vervet før fritaksperioden er over, men er tilbake i kommunestyret frå 1. februar 2027.

Kommunestyret vel nytt kontrollutval, med denne samansettinga:

Fast representant Vararepresentant som er personleg vara
Jan Erik Espelid (SL) - leiar Tore Svendsen (SL)

Britt M. Skålevik Lerøy (Ap) - nestleiar Kristian Semmingsen Lerøy (Ap)

Therese Vik (INP) Kari Anne Fadnes (INP)

Joakim Haglund (Sp) Inger Turid Øksnes (Sp)

(Høgre kjem med kandidat før KS 13/2) (H) Stig Anders Totland (H)

PS 15/2025 Aksjonæravtale med Norsk kjernekraft

Kommunedirektøren sitt framlegg til vedtak:

Formannskapet/kommunestyret godkjenner at administrasjonen forhandlar fram aksjonæravtalen mellom Austrheim kommune og Norsk Kjernekraft AS for oppretting av Fensfjorden Kjernekraft AS. Ordføraren vert gjeven fullmakt til å signere den endelege avtalen.

Sak 15/2025 Aksjonæravtale med Norsk kjernekraft

Formannskapet - 30.01.2025

Handsaming:

Under handsaminga av denne saka var møtet lukka, med heimel i Forvaltningslova § 13. 2., jamfør "forretningsforhold av konkurransemessig betydning"

Kommunalsjef Bjarthe Rosenlund orienterte om saka, jamfør saksgrunnlaget.

Rosenlund viste til at kommunen sin økonomiske risiko i denne omgang er dei midlane kommunen går inn med no. Det kan vera 200.000 kroner som i avtalen no, eller 100.000 om ein går inn på like vilkår med Alver kommune. Ev. at Alver kommune går inn aleine og Austrheim går ikkje med i dette.

Jurist Christopher Marius Straumøy orienterte om juridiske punkt rundt selskapsavtalen.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 15/2025 Aksjonæravtale med Norsk kjernekraft

Formannskapet - 30.01.2025

Formannskapet si tilråding til kommunestyret:

Kommunestyret godkjenner at administrasjonen forhandlar fram aksjonæravtalen mellom Austrheim kommune og Norsk Kjernekraft AS for oppretting av Fensfjorden Kjernekraft AS. Ordføreren vert gjeven fullmakt til å signere den endelege avtalen.

PS 16/2025 Dispensasjon frå reguleringsplan (plan-id: 2011002) til dekke til kaifront I Nordre Fønnesvågen.

Kommunedirektøren sitt framlegg til vedtak:

Austrheim kommune gjev dispensasjon frå reguleringsplan (plan-id: 2011002) til dekke til kaifront I Nordre Fønnesvågen.

Grunngjevinga er gjeve i saksutgreiinga. Vedtaket er heimla i plan- og bygningslova § 19-2, jf. § 12-4.

Saka vert sendt til Statsforvalteren i Vestland for klagevurdering

Sak 16/2025 Dispensasjon frå reguleringsplan (plan-id: 2011002) til dekke til kaifront I Nordre Fønnesvågen.

Formannskapet - 30.01.2025

Handsaming:

Sakshandsamar Christopher Marius Straumøy orienterte om saka, jamfør saksgrunnlaget.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 16/2025 Dispensasjon frå reguleringsplan (plan-id: 2011002) til dekke til kaifront I Nordre Fønnesvågen.
Formannskapet - 30.01.2025

Austrheim kommune gjev dispensasjon frå reguleringsplan (plan-id: 2011002) til dekke til kaifront I Nordre Fønnesvågen.
Grunngjevinga er gjeve i saksutgreiinga. Vedtaket er heimla i plan- og bygningslova § 19-2, jf. § 12-4.

Saka vert sendt til Statsforvalteren i Vestland for klagevurdering

PS 17/2025 Vurdering av Eigarskapsmodell for nytt Basseng

Kommunedirektøren sitt framlegg til vedtak:

Kommunestyret vedtek Stiftelse som organisasjonsform for å eige og drifta nytt symjebasseng i Austrheim kommune.

Sak 17/2025 Vurdering av Eigarskapsmodell for nytt Basseng
Formannskapet - 30.01.2025

Handsaming:

Sakshandsamar Christopher Marius Straumøy orienterte om saka, jamfør saksgrunnlaget.

Per Lerøy (Ap) ba om at saka vart utsett, slik at det kan handsamast betre i partigruppene. Viste til at det er åtvare mot stifting som organisasjonsmåte, sidan det er lite styring på ei stifting.

Kommunedirektør Bjørnar Fjellhaug viste til at det jobba på fleire måtar med bassengprosjektet, og at stifting har noko å seia for korleis det vert å få støtte.

Sakshandsamar Christopher Marius Straumøy svara om stifting at det er rett at ein har mindre styring på stifting enn andre selskapsformer, men at det i første omgang er lite midlar som kommunen skal inn med, og kommunen er komfortabel med denne

organisasjonsforma. Må leggja inn i vedtektene dei vilkåra som skal til for å sikra at ein kan få momsrefusjon og spelemidlar til prosjektet.

Hege Ramsland (H) sa vedtektene må jobbast med for å sikra at alt er OK.

Per Lerøy sa at det er OK å handsama saka no, og trakk dermed utsettingsframlegget.

Ordførar Morten Sognnes (H) refererte framlegget til vedtak

Handsaming i formannskapet:

Samrøystes for kommunedirektøren sitt framlegg til vedtak

Vedtak i sak 17/2025 Vurdering av Eigarskapsmodell for nytt Basseng

Formannskapet - 30.01.2025

Formannskapet si tilråding til kommunestyret:

Kommunestyret vedtek Stiftelse som organisasjonsform for å eige og drifta nytt symjebasseng i Austrheim kommune.